

A. D.

CONSTITUTIO PROPRIETATIS,

Approbante Ampl. Facult. Philos.

Aboënsi,

DISSERTATIONE GRADUALI
ADUMBRATA,

Quam

SUB PRÆSIDIO

Viri Pl. Reverendi & Amplissimi

M. AND. WANOCCHII,

Philos. Pract. Professoris Regii
& Ordinarii,

Publico Examini modeste offert

MICHAEL LITHOVIUS, O-Bothn.

In Auditorio Maximo, die 13. Maji,

Anno 1693.

Impr. apud Jo. L. WALLIUM.

NOBILISSIMO DOMINO,
Et quā merita in Patriam, Remq; in primis
literariam vere Amplissimo,

DN. ERICO
Bigerstedt/

Regii Dicasterii Aboënsis Magni
Ducatus Finlandiæ, ASSESSORI Consul-
tissimo, Æqvissimo, Domino & Pa-
tronō meo propensissimo.

 plendida, Juridicæ Borealis, stella Ce-
ronæ,

Quā gerit excelsa fronte Patrona Themis.
ardua dum volvis, trepidant tua tecta subire
Parva, nec immerito, ne nocitura forent.

Sed quia se sperant sibi conciliare favorem,
Si veniant placide, simplicitate suâ.

Accipias igitur, supplex rogo, fronte serena,

Quæ complexa rudis pagina nostra fuit.
Sit labor hic tenuis nec non temerarius ausus,

Materies tamen est nobilis, apta tibi.

Quod superest, voveo vivas Patriæq; tibiq;
Incolumis, nobis vive Patrone, diu!

MUIJJA W.

MICHAEL LITHOVIUS.



רוּחָה

A est natura atq̄ conditio omnium omnino mortalium, ut sine mediis extrinsecus adsumtis diu conservari nequeant: vires enim tot laboribus lacescitæ, qvō reficiantur, & ad pristinum redeant statum, qvotidiano opus est alimento, & corpus ne ab injuria cœlesti lædatur, vel alia vis externa compagem ejus destruetum eat, tegumentis muniri necesse est. Harum igitur auxilia rerum ut abunde cuivis suppterent, natura homini instinctum impressit, appetendi varias sociates, pro cuiusque vitæ genere ac studio, ut ita indigentiæ facilime subveniatur, & alter alteri opem fer-

A

re

re possit: ubi enim homines sui conservandi causa in societatem aliquam coierunt, fieri aliter nequit, quin necessitas & multiplex inopia ipsos ad multas artes inveniendas exfuscat; prout Plaut. dicit in Sticho Aet. 1. Sc. 2. *Paupertas omnes artes perdocet, ubi quem attigit.* Noluit proinde DEUS hominem otiosum esse, & gravi veterno torpere, sed curis acuit mortalia corda, ceu Poëta loquitur, ut suam industriam ac operam rebus necessariis impenderent, & ad illas omnes res creatas tanquam vitæ instrumenta referrent.

Ut autem eo felicius in sequentibus progrediamur, in antecessum nobis erit dispiciendum, quo fundamento nitatur potestas illa hominum utendi creaturis? Adserit quippe Aristoteles lib. 1. Polit. c. 5. omnia animalia propter usum & alimentum hominum creata esse, eorum quoque interesse, ut ab hominibus

re-

Regantur. In cuius sententiæ favo-
 rem August. Lib. de Genesi contra
 Manichæos, sic fatur: Omnia
 animalia cetera subiecta sunt homi-
 ni, non propter corpus, sed propter
 intellectum, quem nos habemus, & illa
 non habent. Qamvis etiam corpus
 nostrum sic fabricatum sit, ut indi-
 cet nos meliores esse, quam bestias, &
 propterea quasi Deo similes. Omniū
 enim animalium corpora, sive quæ
 in aquis, sive quæ in terra vivunt,
 sive quæ in aere volitant, inclina-
 ta sunt ad terram, & non creata sicut
 omnis hominis corpus. Ut autem ex
 naturæ visceribus potestatem hanc
 jam non eliciam, sciendum est, illam
 in primis ex donatione divina
 dependere. Sicut enim ineffabili
 DEI munificentia vitam & alia in
 acceptis referimus, sic & dominium
 in res & animalia eidem debemus.
 Id quod insuper patet ex Sacra Pa-
 gina, ubi dicitur, DEUM universale

dominium mundi, omniumque re-
rum creatarum, qvatenus hæ obno-
xiæ qveant esse dominio & usibus hu-
manis, titulo donationis concessisse
Adamo, & per hunc humano gene-
ri: Gen. i. v. 28. Et benedixit eis
DEUS, & dixit ad eos **DEUS**: crescite
& multiplicate vos, & replete terram,
& subjicite eam, & dominamini
in pisces maris, & in volatile cœli, & in
omnem bestiam reptantem super terram.
At postqvam genus humanum se
labe peccati turpiter fœdaslet, & ob
id maxima ejus pars aqua diluvii im-
mersa fuisset, in eo clarissime iñensa
DEI clementia erga homines enituit,
qvod non donationem hanc justo
judicio revocandam, sed in certum
signum superabundantis sui amoris,
innovandam voluerit, cum dixit
Noacho Gen. IX.1. 2. ubi sic: *Et benedi-*
xit DEUS Noach, & filiis ejus, & dixit
eis: Crescite & multiplicanimi & re-
plete terram: & timor vester & pavor

vester erit super omnem bestiam terræ,
& super omne volatile cœli, in omni qvod
repet humi, & in omnibus piscibus ma-
ris, in manum vestram tradita sunt.

Hæc & similia divina eloqvia
unanimi interpretum consensu, satis
evincunt, non leve hominibus da-
tum esse imperium super animalia.
De eo tamen disqviri solet, num ea-
dem ante repetitam donationis formulam,
in eam adbibere lieuerit? aliis liber-
tatem illam proscriptibus, propter-
ea qvod Adamus vesci jubetur her-
bis e terra nascentibus, ac si demum
Noacho concessum fuerit uti carne a-
nimantium ad cibum, velut in com-
pensationem curæ atque laboris im-
pensi in animalia, tempore diluvii in
arca servanda. Aliis contra defen-
dientibus, qvorum rationes, brevita-
ti litaturi omittimus. Licet autem
verosimiliter dicatur, qvod facultas
illa hominum in bestias circa initia-
um eo usque se non extenderit, ut

vitam qvoque ipsis, utpote innoxiis,
 eripere possint, illud tamen ad ab-
 lationem juris non pertinet, siqvi-
 dem & homo in hominem imperi-
 um exercere potest, in qvem ta-
 men jus vitæ necisq; ex sè non habet.
 Sufficit proinde primos mortales ea
 potestate in animantia instructos fui-
 se, ut qvidam in coiendâ terra ipsis
 inservierint, a qvibusdam vero lac in
 cibum, lanam in vestitū acceperint.
 Cœterum qvod attinet ad vegetabi-
 lia, illa utiqve sine omni exceptio-
 ne communem indigentiam levare
 debebant, siqvidem major creditur
 tunc temporis fuisse eorum copia,
 qvam ut omnia ab hominibus aliisq;
 animalibus consumerentur, qvod
 cum fœcunditas terræ, tum raritas
 velcentium ejus fructibus, efficere
 potuit.

Ostendimus sic paucis, qvomo-
 do se habeat facultas humani ge-
 neris in ordine ad ipsas creaturas,
 fe-

seqvitur exponendum, qva ratione
illa effectum obtinuerit, respectu
hominum inter se consideratorum;
ita ut qvisque jam sit suarum re-
rum Dominus. Ubi anteqvam cer-
ti aliquid statuamus, necessum est
scire, qvalis fuerit primævus ille ho-
minum status? Dicunt qvippe Histo-
rici & Poëtæ tunc temporis omnia
fuisse communia, & nimium famili-
aria nunc nomina, *meum & tuum*, e
mundo exulasse. Sic Seneca Octav.
Act 2. Cingere assverant suas mu-
ris nec urbes, pervium cunctis iter.
Communis usus omnium rerum
fuit, & ipsa tellus læta fœcundos si-
nus ultro pandebat. Verum ne i-
psa vocabula nobis remoram injici-
ant, illa primum ab æqvivocatione
liberabimus.

Vox itaque *Communionis* dupli-
citer acipitur: negative & positive: priori
modo notat talem rerum statum,
ubi illæ non possunt dici magis
ad

ad hunc qvam ad illum spectare, sed ita in medio expositæ sunt, ut qvilibet iis pro arbitrio uti possit, & ad commodum suum convertere, donec factum humanum intercesserit, iis qvæ antea communia erant, partitionem inducens. *Posteriori* significatu nobis est certa qvædam posses-
sio, talis tamen, qvæ non sit uni alicui assignata, sed eodem modo ad plures pertineat, ut sic differat a proprietate, qvod hæc unum & certum aliquem respiciat, cui hæc vel illa bona jure convenire debent. Communio vero *positiva* est inter tales, quorum multi de una eademque re participant, ita tamen, ut nemo in solidum istius sit Dominus, sed pro rata qvisque parte. Et hoc sensu dicit Seneca, nulla esse communia, nisi pars illorum ad singulos pertineat. Epist. 29.

His positis statum qvæstionis optime expediri posse arbitror. Si

con-

concipiatur, DEUM ita concessisse hominibus uti hisce terrenis, ut nullum simul certum & determinatum præscriberet modum, juxta qvem illa ad commoditates suas applicare debeant, h. e. neque proprietatem neque communionem illam, qvam positivam diximus, ab initio introductam esse, sed indifferens & indefinitum solummodo jus in creaturas datum, a quo postea pro arbitrio licitum fuit discedere, & ad talem statum defletere, ubi pax & concordia optime servari possint. Proinde qvamdiu Adam solus cum sua familia in terris extitit, recte quidem dicitur fuisse Dominus omnium rerum, in quantum indulgentia Numinis earum particeps erat, & nullum alterius jus obstabat, ut loquitur Clar. Puffend. quo minus quicquid daretur rerum in usus suos posset convertere, si opus foret. Interim tamen jus Adami in res diver-

sum

sum fuit ab illo dominio, quale jam est inter homines constitutum, qvod quis posset vocare Dominium indefinitum non formaliter, sed concessive, non aetate, sed potentia. Idque eundem obtinebat effectum, quem jam Dominium, rebus nempe pro lubitu utendi: Dominium tamen proprius loquendo non erat, qvod nullus præterea homo tunc existeret, adversus quem effectum id existeret; hominibus autem postea subnatis, in Dominum transire poterat. Hactenus ille.

Minus recte igitur quidam ex concessione divina proprietatem inferunt, tanquam ista fuerit proxima & immediata ejus causa; prout facit Bœcler. Annot in Grot l 2. c. 2. his verbis: At qui divinitus traditam & hominibus donata proprietatem, tum quae imperium, tum quae Dominum constituit, ex Historia Sacra agavit, illi occupatio & divisio rerum non

non est causa proprietatis, sed proprietas causa occupationis & divisionis. Licet autem ex permissione summi Numinis, terrena hæc hominum potestati subiecta sint, exinde tamen non potest concludi, DEUM simul ac usum eorum concessit, etiam talem ordinem circa ea ipsis observandum injunxisse, ut privata Dominia constituerentur, ubi singuli proprium commodum promoverent; sed illud arbitrio & dispositioni hominum fuit relatum, utrum omnia communia retinerent, an vero unicuique suam portionem adsignarent, pro ut pax & tranquillitas cum omni honestate servanda id requirere visa fuit?

Concessio igitur divina non tollit pactum humanum, quo interveniente res antea promiscuo usui inservientes, partitione facta in proprietatem ire debebant, Non enim patet latius, quam ut benignitatem

suam solummodo summū Creator
hoc modo testatum faceret, præ-
fertim erga genus mortalium, cui
etiam ex aliis creaturis utilitatem
capere concessit.

Ab initio igitur, antequam ge-
nus humanum multiplicari cœpit
& latius sese diffundere, nulla divi-
sio rerum fuit, nulla proprietas, sed
omnia communia erant, & indivi-
fa omnibus, velut unum cunctis pa-
trimonium esset; prout loquitur
Justin. lib. XIII. Ac talis usus uni-
versalis juris, secundum Grotium, e-
rat tum vice proprietatis. De tem-
pore illo, quo Adam solus vixit, id
clarum atque perspicuum est. Illi
enim res nec potuerunt dici pro-
priæ, qvia sic debuissent existere et-
jam alii, qui ab earum communio-
ne arceri potuissent. Neque etiam
communes scilicet positive, qvi ta-
lis communitas præsupponit socium
possessionis, ut superius notavimus

Eran^t qvidem Adamo uxor & liberi,
sed respectu illorū, præsertim qvam-
diu societati paternæ addicti fuerunt,
nullum ipsi dominium competere
potuit. Qvicqvid enim illis intra
teneram ætatem constitutis, tam ad
victum qvam ad amictum necessa-
rium fuit, illud omne cura & indu-
stria patris parari debuit. Qvod
vero adultiores facti ad nutum pa-
rentis se componere tenebantur, præ-
sertim circa usum rerum, ad id non
vi dominii, sed potestate paterna A-
damo competente, obligabantur.
Proinde si quid filius Adami inscio
patre ex rebus in usus suos arripui-
set, non diceretur commisisse tur-
tum, & ob id pœnam aliquam me-
reri, sed qvia non præstitit debitum
obseqvium imperio paterno. Hinc
itaque dicendum, neqve Adamo ne-
que filiis, qvamdiu unius familiæ
membra fuerunt, particulare domi-
nium obtigisse, sed tum demum il-
lud

Iud incepit, qvando nati relictis ædibus paternis proprias sibi sedes constituerunt.

Ex his apparet, qvid reponendum sit illis, qvi exinde, qvod Cain & Abel distinctas possessiones habuerint, communionem primævam merum figmentum existimant; nimis post alienatos filios cœpisse qvidem dominia particularia, ita ut nemini amplius alterius bona involare licetum fuerit; interim tamen adhuc communitas, qvoad maximā partem durare potuit. Non enim potest intelligi, qvomodo a tribus familiis totus terrarum orbis occupatus fuisset, omniaqve ejus bona illis sub possessionem cecidissent. Si qvidem qvam plurima fuerunt, qvæ nunquam notitia sua adprehenderant, multo minus ad usum rei familiaris accommodare potuerunt. Sufficit proinde tantum imprimis bonorum dominium subiisse, quantum ad qvotidia-

dianum cultum & vietum reqviri
visum fuit. Reliqua sub communio-
ne manserunt, ut sic proprietas re-
rum non semel & simul, sed succes-
sive constituta sit, prout cupido & nu-
merus hominum accrevit.

Plures in eo errasse deprehendimus,
qvod coñunctionem negativam cum
positiva confuderint ; qvorum unus
Bœclerus ea occasione, multa in no-
bili hæc materia pertractanda, qvæ
consistere non possunt, dixit. Ipse
etiam Grotius circa hoc impegiſſe
videtur : postqvam enim commu-
nionem primævam egregie his ver-
bis adstruxisset : DEUS humano ge-
neneri generaliter contulit jus in
res hujus inferioris naturæ, statim
a mundo condito atque iterum post
diluvium reparato. Paulo post subjun-
git, statum illum durare potuisse, si
homines in magna simplicitate per-
stitissent ; qvod probat Exemplo po-
puli Americæ, aut etiam vixissent

in-

inter se in mutua quadam animi
charitate, prout secundum ipsum o-
lim fecerunt Esseni, & primitivi
Christiani, Hierosolymis habitantes.
Ut autem nihil jam de eo dicam,
num factum hoc ipsis fuerit lauda-
bile, aut vituperio dignum, hoc sal-
tem demonstrasse sufficiat, quod
talis communio, aucta & dilatata
multitudine hominum, non fuerit
possibilis: non enim potest servari
nisi inter paucos, & qui non longe
a se invicem distant, ubi etiam mu-
tua opera, mutuumque auxilium
obtineri potest. Astubi in latitudi-
nem mille plurimumque milliarium
discessum fuerit, frustraneus certe
labor est, omnia in unum compor-
tare, quia sic non modo in terra, ma-
gna cum molestia iter faciendum
esset, sed & maria trajicienda, ubi
antequam ad locum communitatis
perventum fuerit, variæ mutationes
contingere possent. Præterea dubiu-
m

est num mutua charitas inter illos possit consistere, qvi tali rerum communione utuntur. Etenim si unus plus operis huic vel illi rei impendat, qvam alter, majorem etiam exinde vellet fructum capere, alias rixis & litibus occasio præberetur. Si socios & que cum sedulis de bonis participarent. Insuper & illud malum hunc rerum statum sequeretur, qvod omnium animos pigritia occuparet, alter alteri confideret, nec quisquam de rebus ad communem vitam necessariis prospiceret.

Causæ vero impellentes, qvare ab hac communione discessum fuit, statui possunt studiorū diversitas, & laboris inæqualitas. Etenim cum multæ sint res, qvibus vita communis carere nequit, qvæque sine hominum manu atque industria haberi non possunt: hinc tot inventæ artes & varia vitæ studia, in variis rebus naturalibus occupata, quorum mul-

triplex, ac pene infinitus ad vitam
humanam commode degendam u-
sus esse potest. Cœterum qviatunc
temporis, eodem modo, uti nunc,
cum hominibus comparatum esse
potuit, ut qvidam hebetioris essent
ingenii, minusque apti ad edendum
aliqvid usibus humanis dignum,
qvorundam animos rursus pigritia
occupasset: hinc absonum & in-
conveniens videbatur, ut tales æqvo
jure in rerum participationem ad-
mitterentur cum illis, qvorum in-
genio, industria, atqve labore pro-
ductæ fuerunt. Juxta illud Sol. χρή-
ματι δ' ιμείρω μὲν ἔχειν ἀδίκως δὲ πε-
νάσθαι δὲν ἐθέλω. Proinde habita ra-
tione pacis, qvomodo inter tam di-
versa ingenia, & in tanta laborum
inæqvalitate, ne qverelæ orientur,
servari possit, dominia introduce-
bantur, præsertim circa res tales,
qvæ cultura hominum accesserunt,
& qvarum tanta non erat copia, ut
omnium

omnium sicut necessitatibus sufficerent. Et illa deinceps consenit omnium, sive tacito, sive aperto, confirmari debebant: par enim utriusq; vis in tali rerum negotio fuisse supponitur, & quidem tanta, ut quod uni hac ratione in portionem cessit, id alter ipsi non, nisi per injuriam, eripere potuit.

His ita expensis, modos obtinendi dominii considerabimus, præmissa definitione, quæ sonat in rem potestas, sive jus, quod aliquis habet, in rem tanquam substantiam ad se pertinentem, disponendi, & alios ab eadem arcendi. Variis modis dominium comparari potest; imprimis originaliter & derivative. De priori nobis jam est sermo, quando scil. accoviritur res, quæ in nullius dominio particulari olim fuerat. Fit antem hoc vel per divisionem, vel per occupationem. Etenim cum res in initio in usum hominum pro-

ductæ sint, ac proinde sub illorum dominium cadere possint, jure optimo super his ita conventum fuit, ut primo, qvando pauciores erant homines, per divisionem sua cuique portio adsignaretur, qvemadmodum vero simile est fecisse Adamum, qvando filios suos velut emancipavit, & in distinctas familias abire jussit; qvorum alter cum terræ cultura vacaret, indicium est, de rebus ad eam necessariis a Parente eidem prospectum fuisse, terminos etiam agrorum positos, ne plus sibi arriperet, qvam ut ab una familia regi possit, eidemque licet insigniter multiplicatæ satis superque conservandæ sufficiat. Alter rusus, nimirum Abel, sua pecora & compascua haberet, non aliunde, qvam ex partitione, a Patre facta; etenim ne vacuis manibus domo paterna in coloniam exiret, ideo ipsi qvoque quantum opus foret ex rebus in medio positis
attri

attributum fuit. & hoc modo per-agitur divisio rerum auctoritate parentis.

Deinde potuit etiam illa cum-muni consensu fieri, imprimis vero expresso; neque enim aliter scire poterant alii, qvid quisque suum es-se vellet, ut eo abstinerent alii, & idem velle plures poterant. Actu igitur externo, seu adprehensione opus fuit, prout loquitur Puffend. quæ ut pro-duceret effectum moralem apud a-liers, abs re per alterum apprehe-sia abstinendi, pactum antecedere debe-bat, & expressum quidem quando plures simul res in medio positas inter se diviserunt. Sorte quoque id ipsum effici potuit; Ordinarie enim juxta Bodin. l. r. Daemonom. c. 5. illa frequentatur in successionibus divi-dundis, & bonis communibus popu-lorum Legibus permissa, & valde necessaria rixis & contentionibus, quæ infinitæ forent, evitandis. Hic

modus acq[ui]rendi dominii est quasi
a fortuna: unde Justinian. lib. 3. de
Legat. Sortem dicit esse fortunam
judicem in rebus dubiis, aut com-
munibus dividendis. Sic partiti sunt
terram Canaan Israelitæ. Grot. lib. 3.
de J. B. & P. c. 23.

Diximus etiam occupatione ali-
qvid proprium fieri posse, qvod ita
intelligendum: res qvæ a primis di-
visoribus intactæ relinquebantur,
nec certo alicui possessori cedebant;
de his ita dispositum fuit, ut primo
occupantis fierent, ut iis tuto frue-
retur, qvi eos ante alios comparasset.
Nam qvod ante nullius est, id natu-
rali ratione occupanti conceditur.
Justin. Inst. de rerum divis. Est ve-
ro occupatio corporis ad corpus
domini acq[ui]rendi gratia facta ap-
plicatio, qvalis circa res mobiles ma-
xime fit manibus, circa res soli pe-
dibus. Unde qvia occupationis no-
mine aucupium, venatio, pescatio
in-

intelligitur, Aeris volucres, feræ, terræ animalia & pisces maris, illius esse incipiunt, a quo primo intercipiuntur. Hoc tamen notato, quod illud solummodo locum habeat inter incolas certæ alicujus provinciæ, ubi tam sylvæ quam maria æque omnibus communia sunt. Ast ubi hæc divisim possidentur, unusquisque ab illa parte, cui ipse dominatur, ceteros omnes arcere potest, quo minus aucupium vel piscaturam illic exerceant.

Ut autem eo melius ratio occupationis pateat, eo ipso etiam de dominii objecto agemus; ubi imprimis sciendum, quid per naturam istius sit capax, sunt enim quædam ejus naturæ atque indolis, ut proprietatem subire non possint, sed maneant sub statu communionis primævæ, ut aer, aqua profluens, &c. Cum propter amplitudinem suam inexhausta sint, & facile omnium u-

sibus patere queant; ita Lycios Lat.
apud Ovid. Quid prohibetis aquas,
usus communis aquarum est? Alia
vero sunt ejusmodi, quae post insti-
tutas societates promiscue omnibus
competere & inservire nequeunt.
Circa haec id imprimis observandum,
quod res, quae immediate sui usum
praebent hominibus, nec tanta copia
producuntur, ut omnibus simul sup-
petere queant, illae primum in pro-
prietatem transiisse intelligentur, &
quidem propterea, ut hoc modo li-
tes & discordiae, quae ex concursu
plurium ad rem eandem facile oriri
potuissent, praecaverentur. Illa ve-
ro, quorum major erat laxitas, ut
pote agri, paulatim in privata do-
minia describi poterant, prout indo-
les & multitudo hominum videba-
tur requirere. Proinde cum primi
mortales sedes suas ponerent, tan-
tum illorum sibi arrogarunt, quan-
tum usibus suis sufficiens judicabant;

cætera in statu communiois primævæ relicta, a posteris occupabantur; qvod hac ratione fieri potuit, ut qui primus limitibus illa circumscriberet, eisque culturam adhiberet, jure ipsius dicerentur propria, et si vel nullum pactum externum intercesserit, quo confirmarentur: potuit enim sufficere tacitus omnium consensus, qui omnino aderat, obligans ceteros ad abstinentium eo, quod quis hoc modo acquisivit. De fluviis & fluminibus hoc tenendum, quod qui circumiectas ripas occupabant, iisdem etiam illa in possessionem cesserunt.

Vexatissima est qvæstio de mari, num illud etiā sua natura aptū sit, ut una cum terra in proprietatē eat? Ubi dicendum, primis temporibus, quando usus navigationis incognitus erat, dominū se non extendisse ultra littora, nec statim post repertas naves, antequam eo fine iis uti inciperent

rent homines, ut piraticam exerce-
rent, & ad littora habitantes infe-
starent, tunc demum portus sibi pro-
prios fecerunt, aliquid etiam finiti-
mi maris adlumtum, in quantum il-
lud servire poterat, ut defenderen-
tur terræ, quas possidebant. Et cum
intellexissent non minus in mari,
quam terra diversas contineri par-
tes, quarum quædam essent frugi-
feræ, hoc est abundarent piscibus,
margaritis, & aliis istiusmodi. Hinc
factum, ut proximi quique illas sibi
proprias assererent. Sinus quoque
& freta ab accolis ipsorum occupa-
ta sunt, præsertim post excogitata
vectigalia, quæ tam a transeun-
tibus, quam ad se adpellentibus exi-
gerent.

Cœterum quid statuendum sit
de vastissimo Oceano, magnis conti-
nentibus interjecto, an & ipse do-
minii sit capax, ita ut magis ad u-
num vel plures, quam ad omnes lit-
tora

tora ejus accolentes pertineat? non
convenit inter doctos. Sunt qvi hoc
adfirmant, ita tamen, ut majorem
respectum ad patriæ suæ commoda
habuerint, qvam ad rei veritatem.
Arbitramur itaqve plane inutile &
supervacuum esse, ea velle ad se ar-
ripere, qvæ tam amplissima gau-
dent sufficientia pro omnibus, ut
semper inexhausta maneant. Qvin
& ineptum est, tantæ rei dominium
sibi asserere, cujus tamen usu alios
arcere nemo potest, qvo minus de
eo particepent. Jactent proinde
Angli & Batavi se dominos maris,
libera tamen erit navigatio omnibus,
utpote res innoxiæ utilitatis. Dicant
Hispani se primum vastitatem ejus
emensos, & exinde sibi jus compete-
re; sed juxta hoc cogitent, non uni vel
alteri, sed universo generi humano
orbem terrarum a Numinе conce-
sum. Consensus ergo tacitus pri-
morum hominum, qvo posteris ea

occupandi veniam dederunt, qvæ sub divisionem cadere neq; viverant, non potest extendi ad talia, qvæ si unus possideret, reliqui omnes iniquissimo premerentur servitio. Qvippe cum istis de tali casu in mentem venire non potuit.

Restat ut paucis originem dominii ad jus arbitrarium pertinere demonstrem. Etsi enim societates, qvod finem & essentiam earum attinet, a jure naturali dependeant; media tamen & subsidia, sine qvibus commode, ne dum feliciter regi nequeunt, legibus arbitriis determinata sunt: qvæ cum præcise sibi propositam habeant utilitatem considerandam, placitisq; hominum latæ sint, proprietatibus constituendis optime accommodari possunt; siq; videm & hæ non alia de causa introductæ sunt, qvam ut hac ratione obtineretur, qvicq; vid ad vitam bene beateq; agendum pertinet. Non tamen propterea existim-

mandum, hanc rerum distinctionem
omnimode suo fundamento destitui,
cum & illa juris naturæ esse dicantur,
qvæ aliquam convenientiam
cum eodem habent, qvæque pro-
niunt a naturali inclinatione, etsi
plane debita non sint, sic ut istud o-
mitti, hoc fieri, sine peccatore queat;
qvippe qvod proprium juris natu-
ralis requisitum est. His affinia
sunt, qvæ Rachelius pag. 300. ex
Conring. de promisit, videlicet natu-
ram qvædam jussisse aut vetuisse
καταγριώς, simpliciter omniq̄ tem-
pore agenda vel omittenda: alia
vero *ὑποθέσιως*, posito nempe, si
hoc aut illud placuerit hominibus.
Ita simpliciter justum est, DEUM
colendum esse: hypotheticum vero
præceptum, si homines velint sua
bona privatim possidere, tum alteri,
qvod privatim possidet, eripien-
dum non est. Ulterius hæc per-
sequi

30

seqvi vetat jam temporis angu-
stia, proinde a te, B. L. qva par-
est animi observantia contendō, ut
cum venia & favore hoc tenuē
specimen suscipere
velis.

SOLI DEO GLORIA!

